



Publicaziuns dalla vischnaunca, jamna 46

Damonda da baghegiar

Nr. 2013-1051.000

Datum dalla publicaziun: ils 15 da november 2013

Ils patrons: Nelly e Duri Huonder-Schweizer Via Salez 101, 7186 Segnas

Ils representants: Nelly e Duri Huonder-Schweizer Via Salez 101, 7186 Segnas

Object: Midada d'intent, parcella 2632, Barschaut, 7186 Segnas

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/ Mustér. La protesta sto esser motivada e sut-tascretta dil recurrent ni da siu representant.

Disentis/Mustér, ils 13-11-2013

Uffeci da baghegiar Disentis/Mustér

Votaziuns federalas, elecziun communal

L'urna principala en casa communal ei aviarta sco suonda:

Sonda, 23-11-2013, 18.30–19.30

Dumengia, 24-11-2013, 9.00–11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton *sil pli tard entochen venderdis, ils 22 da november 2013 allas 17.00* tier l'administraziun communal (tel. 081 920 36 36).

Levgiament da votar

Mintga votant(a) ha la pussevkladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar e metter quels en la cuviarta da votar e serrar giu ella.
2. Metter la cuviarta da votar ensemen cun il certificat dil dretg da votar *suttascret* en la cuviarta, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (*supplicau da francar*) ni directamein fierer en la scaffa da brevs dalla casa communal.

Ils cedels da votar ston esser sil pli tard la sonda, ils 23 da november 2013 allas 12.00 tier l'administraziun communal.

Il certificat dil dretg da votar ei da suttascriver. *Senza Vossa suttascripziun cun agen maun ei la votaziun nunvaleivla.*

Suprastonza communal Disentis/Mustér



Cussegl da vischnaunca – Preventiv 2014

En sia seduta dils 8 da november 2013 ha il cussegl da vischnaunca sut il tgamun da Flavio Murer tractau l'interpellaziun da Wendelin Jacomet concernent las consequenzas dall'iniziativa da Franz Weber. Helvetia Nostra, la quala representa ils iniziants, ha inoltrau 10 recuors encunter damondas da baghegiar resp. Encunter lubientschas da baghegiar. Cunquei che Helvetia Nostra ei vegnida reconuschida dalla Dertgira federala sco partida da plogn, ein la plipart dallas damondas da baghegiar vegnidas retratgas resp. vegnan realisadas sco empremas habitaziuns. Actualmein ein aunc dus cass pendants tier la Dertgira administrativa.

La tractaziun dil preventiv 2014 ei vegnida tgamunada da vicepresidente Wendelin Jacomet. Il quen current preveda expensas da frs. 13,20 milliuns. ed entradas da frs. 13,27 milliuns. Aschia seresulta in surpli d'entradas da frs. 66 700.–. Grazia al fetg bien quen 2012 (retuorn a tschep Ovra Russein) ha la vischnaunca saviu reducir marcantamein ils deivets bancars ed entras amortisaziuns supplementaras era la facultad administrativa. Cheutras ein las amortisaziuns ordinarias sereducidas. Il cash-flow ei cun frs. 602 500.– nuncuntenteivels e duei vegnir migliuras entras ina reducziun dallas expensas resp. in augment dallas entradas. Il preventiv 2014 preveda investiziuns da frs. 3,72 milliuns ed entradas da frs. 1,37 milliun. Cheutras seresultan investiziuns da netto frs. 2,35 milliuns.

Il cussegl da vischnaunca ha approbau il preventiv 2014, fixau il pei da taglia sin entradas e facultad sin 120% e la taglia sin schischom sin 1,70/00 sco era concediu in credit da frs. 230 000.– per investiziuns el Center da sport e cultura. Quellas decisiuns vegnan suttamessas al referendum facultativ conform alla constituziun communal.

Mardis, ils 12 da november 2013 ha il cussegl da vischnaunca priu enconuschientscha dil program d'activitad 2013–2016 e dil plan da finanzas 2015–2019. Las finamiras principalas ein da rinforzar Mustér sco subcenter regional en stretga collaboraziun cun las vischnauncas vischinontas, da crear in attractiv coc dil vitg sco era da migliurar la cumparsa e l'infrastructura. Mo comunablamein e cun sustegn da tuts eis ei pusseivel da contonscher las finamiras.

Referendum facultativ

A caschun da sia seduta dils 8 da november 2013 ha il cussegl da vischnaunca approbau unanimamein il preventiv 2014 sco era concediu in credit da frs. 230 000.– per sanaziuns el Center da sport e cultura.

Conform ad art. 21, lit. a resp. c dalla constituziun communal ein quellas decisiuns suttamessas al referendum facultativ. Il preventiv 2014 sco era il messadi tier sura duas fatschentas ein exponi per investa en casa communal (stanza nr. 10).

Enteifer 20 dis dapi la publicaziun officiala han 80 votants la pusseivladad d'inoltrar enviers sura conclus il referendum e pretender ina votaziun dil pievel.

Suprastonza communal

Tagliar caglias e plontas

Tenor art. 75, al. 4 dalla lescha da baghegiar astgan plontas buca disturbar la vischinonza ni la segirtad publica. Per liung dallas vias publicas e privatas sco era sendas ein tuttas caglias e plontas da tagliar anavos, aschia che nuot survarga il cunfin (era buca suenter ch'ei ha neviu).

Quellas lavurs ston esser finidas sil pli tard entochen la *fin da november 2013*. En cass che las caglias e plontas vegnan buca tagliadas anavos enteifer il termin fixau, vegnan quellas lavurs exequidas entras il survetsch tecnic dalla vischnaunca cun adossar ils cuosts als proprietaris.

Disentis/Mustér, november 2013
Uffeci da baghegiar Disentis/Mustér



Seivs mobilas per la pasculaziun

Tenor art. 75, al. 1 dalla lescha da baghegiar ston seivs mobilas vegnir allontanadas *immediatamein* suenter la pasculaziun. Quei vala era per seivs da gatter.

Las seivs buca allontanadas vegnan a vegnir allontanadas senza avisar ils pertuccai sin donn e cuost dil proprietari da terren. Nus supplichein da prender enconuschientscha da quei fatg e prender las mesiras prescrettas.

Disentis/Mustér, november 2013
Uffeci da baghegiar

Parcadi sutterran Sogn Gions – Affittaziun

En connex cun l'engrondaziun dalla Casa da tgira Sursassiala ha la vischnaunca acquistau 13 parcadis sutterrans. Quels parcadis ein destinai sco parcadis permanents che san vegnir affittai d'interessents che vulan plazzar permanentamein leu lur vehichels. La suprastonza communal ha fixau il tscheins meinsil d'affittaziun a frs. 140.– per parcadi. Ils parcadis san vegnir affittai naven dall'entschatta december 2013.

Interessents che vulan affittar permanentamein in parcadi sutterran a Sogn Gions ein supplicai d'annunziar lur interess a scret agl uffeci da baghegiar, caum postal 57, 7180 Disentis/Mustér ni per e-mail baghegiar@disentis.ch.

Suprastonza communal

Controla da habitonts

Naschientscha

Elena Täschler, naschida ils 7 da november 2013, feglia da Tamara Ortega Fernandez e Roman Täschler.

Serrada Via Cavardiras

Muort las lavurs da construcziun pil bloc da cabels dalla Repower Glion SA ei la Via Cavardiras denter la cruschada culla Via Raveras e la punt da Brulf serrada naven da *gliendisdis, ils 18 da november 2013 dallas 7.00 entochen mardis, ils 19 da november 2013 allas 20.00*. La sviada per Cavardiras succeda sur Madernal e Pardomat. Ulteriuras informaziuns dat il biro d'inschignier Deplazas a Surrein (081 943 25 60).

Bien engraziament per Vossa capientscha.

Biro d'inschignier Deplazas



Occurrenza da geniturs «Medienprofis»

Medias novas muntan ozildi ina part fixa dil mintgadi d'affons e giuvenils. Naven da gliendisdis tochen venderdis passentan giuvenils svizzers ella media duas uras egl internet, sonda e dumengia schizun treis uras. Els tscherchan informaziuns, brattan ora novitads cun amitgs, teidlan musica, fan games ni produceschan sezs cuntegns.

Diever e nez da medias novas ein multifars e las habilitads empridas ein impurtontas ton en scola sco era suenter ella veta professiunala. Medemamein cuntegnan ellas denton era prighels sco cybermobbing, schurmetg nunsufficient dalla personalitad, dependenza digl internet ni abus sexuals.

Gievgia, ils 28 da november 2013 allas 19.30 en halla Cons

envida la scola da Mustér tuts geniturs ed interessai ad in'occurrenza da geniturs dalla Pro Juventute cul tema «Medienprofis dank Medienerziehung». Moderaturs cumpetents presentan savida dalla pratica pertuccont il diever dallas medias novas d'affons e giuvenils. Communablamein culs geniturs reflecteschan els co ins sa promover il nez dallas medias novas pils affons a moda constructiva.

Duront l'occurrenza haveis Vus la pussevividad da brattar ora experientschas cun auters geniturs e naturalmein era da far damondas. Ina descripziun detagliada dalla purschida anfleis Vus sin www.projuventute.ch/medienprofis.

Kai Hinrichsen, meinascola Mustér

Casa da tgira Sursassiala Investa dil niev baghetg

Sonda, ils 16 da november 2013 dallas 10.00–12.00

Las lavurs per l'engrondaziun dalla Casa da tgira Sursassiala a Mustér van gleiti da rendiu. El decuors dil schaner e fevrer 2014 succedan las installaziuns internas. Viers la fin da fevrer ei la dislocaziun dil cussadents previda e naven da miez mars 2014 duess il niev menaschi esser en funcziun.

Il settember 2011 havein nus entschiet cun las lavurs (spazzada dalla casa Sogn Gions) per l'engrondaziun e la sanaziun totala dalla casa da tgira Sursassiala.

Cunquei ch'ei setracta d'ina impurtonta ovra sociala vul la fundaziun dar alla populaziun sonda, ils 16 da november 2013 naven dallas 10.00–12.00 la pussevividad da prender investa dallas lavurs e da dar ina egliada davos las culissas.

Fundaziun Casa da tgira Sursassiala

Apparats d'udida

Gliendisdis, ils 25 da november 2013 saveis Vus schar schubergiar e regular Vies apparat d'udida el Center da sanadad Sursassiala SA a Mustér che sesanfla en claustra ed a Curaglia. A Mustér ei il liug signalisau:

a Mustér naven dallas 14.00 tochen ca. las 15.15
a Curaglia naven dallas 15.30 tochen ca. las 16.30

L'union Pro Audio Chur cun Arthur Jacomet fa quei survetsch per tuts interessents gratuitamein.

Cordial invit
Center da sanadad Sursassiala SA



Uniun da dunnas Mustér

La messa da s. Lisabet vegn integrada ella messa dalla dumengia, ils 17 da november 2013 allas 9.30 en baselgia s. Gions, Mustér.

Cordialmein envida

l'uniun da dunnas

Arena Parc Adula – eine öffentliche Debatte

Regiun Surselva und das Nationalparkprojekt Parc Adula laden zu einer Informationsveranstaltung mit Apéro ein: *Freitag, 15. November 2013, ab 20.00 Uhr im Center Sursilvan d'agricultura, Disentis.*

Podiumsdiskussion unter Leitung von Otmar Seiler, rtr.

Es diskutieren:

Sep Cathomas, alt Nationalrat

Sep Benedetg Candinas, Bio-Bauer, Sumvitg

Giochen Bearth, Präsident SAC Piz Terri

Stefan Forster, Prof. für natur- und kulturnahen Tourismus Zhaw

Ursin Venzin, Präsident Jagdsektion Medel/Lucmagn

Historias d'advent ella Biblioteca populara Disentis/Mustér e contuorn

Dumengia, ils 24 da november 2013 allas 13.30/14.30/15.30

Duront la fiera da Nadal raquitein nus historias d'advent per affons pigns (cuoz mintgamai 20–30 min.).

Plinavon ei la biblioteca aviarta dallas 13.30–16.00.

Nus selegrein sin massa auditurs pigns e da Vossa viseta!

Biblioteca populara Disentis/Mustér e contuorn

Uniun da dunnas Mustér Fiera da Nadal a Mustér

Dumengia, ils 24 da november 2013 dallas 11.00–19.00 sil plaz da scola.

13.00–17.00 zambergiar decoraziuns d'advent ed entagliar ravas en halla Cons

17.30 til cun ravas entagliadas

13.30/14.30/15.30 vegn mintgamai raquintau cuortas historias d'advent en biblioteca

Encunter fom e seit vegn purschiu diversas spisas e bubrondas. Nus selegrein sin Vossa viseta e giavischein a Vus in per bialas uras en emperneivla temprà d'advent. Il recav va uonn agl aunghel da Nadal. Igl aunghel da Nadal vegn organisaus dall'uniun da dunnas cantunala (kfg). Famiglias ed affons en pitgiras el Grischun san inoltrar ina damonda per sustegn agl aunghel (p. ex. agid cun la finanzaziun dalla scola da musica etc.). Igl aunghel grond ei deponius a Cuera duront il temps d'advent e dus pli pigns ein sin viadi el cantun Grischun. In da quels ei uonn tier nus alla fiera da Nadal.

Sin in bien seveser

ils expositur/as e l'Uniun da dunnas Mustér



**Uniun samaritana Mustér
Acziun da spender saung**

L'acziun da spender saung per donaturas e donaturs dallas vischnauncas da Medel e Mustér ha liug:

Gliendisdis, ils 25 da november 2013 dallas 18.00–20.00 en halla Cons.

Nus engraziein grondamein per quei bien survetsch en favur da malsauns e disgraziai e sperein sin ina stedia participaziun.

Cordial beinvegni
Uniun samaritana Mustér

Gruppa da teater Mustér – Preavis

Nus fagein puspei teater: *Las nozzas da pèrlas*.

Cumedia en treis acts. Premiera, ils 11 da schaner 2014. Ulteriuras producziuns, ils 17, 18, 19, 24 ed ils 25 da schaner.

Per plascher risguardar quels termins.

La suprastonza